

01/2-50-1

19-01-2012

Broj: 03-02-2-2763-1/11  
Mostar, 28.12.2011.godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	19.01.2012		
Organizaciona jedinica	Klasifikaciona oznaka	Redni broj	Broj priloga
01-50-1-15	-14	/11	

- PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM  
n / r Zijad Jagodić, poslanik

- PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM  
n / r dr.Denis Bećirević, predsjedavajući

**PREDMET:** Odgovor na poslaničku inicijativu

Veza: Vaš akt broj: 01/2-50-1-15-14/11 od 29.11.2011.godine

U skladu sa članom 155. stav 3. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br.33/06, 41/06, 81/06, 91/06, 91/07 i 87/09), a u vezi sa poslaničkom inicijativom poslanika Zijada Jagodića koju je na 14.sjednici Predstavničkog doma Parlamentarne skupštine Bosne i Hercegovine održanoj 24.11.2011.godine uputio Federalnom ministarstvu prometa i komunikacija, dajemo sljedeći ODGOVOR:

U skladu sa Zakonom o osnivanju J.P "Međunarodni aerodrom Tuzla" ("Službene novine Tuzlansko-podrinjskog kantona", br. 1/98 i 6/98) Skupština Tuzlanskog kantona je osnivač J.P "Međunarodni aerodrom Tuzla", a osnivač J.P. Međunarodna zračna luka - aerodrom Mostar d.o.o. je Gradska uprava Grada Mostara.

Aerodromi u Tuzli i Mostaru nisu u resornoj nadležnosti Federalnog ministarstva prometa i komunikacija ni na osnovu Uredbe o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala ("Službene novine Federacije BiH", broj 35/11) ni na osnovu Odluke o utvrđivanju liste privrednih društava u kojima ovlaštenja po osnovu učešća državnog kapitala vrše organi Federacije Bosne i Hercegovine ("Službene novine Federacije BiH", broj 35/11), a bez saglasnosti osnivača gore navedenih privrednih subjekata nije moguće uspostaviti nadležnost.

Potrebno je istaći da su se javnim preduzećima "Međunarodni aerodrom Tuzla" i Međunarodna zračna luka- aerodrome Mostar u više navrata uplaćivala finansijska sredstva iz budžeta Federacije BiH, te Vam dostavljamo pregled istih u posljednje dvije godine, kako slijedi:

1. U 2011.godini je na osnovu Odluke o dinamici prebacivanja i korištenju finansijskih sredstava prikupljenih po osnovu putničke takse-naknade za razvoj i unapređenje avio prometa u Federaciji BiH u 2011.godini ("Službene novine Federacije BiH", broj 39/11) prebačeno JP "Međunarodni aerodrome Tuzla" sa p.o 50.000, 00 KM.
2. U 2011.godini je na osnovu Odluke o dinamici prebacivanja i korištenju finansijskih sredstava prikupljenih po osnovu putničke takse-naknade za razvoj i unapređenje avio

- prometa u Federaciji BiH u 2011.godini ("Službene novine Federacije BiH", broj 39/11) prebačeno JP "Međunarodna zračna luka- aerodrome Mostar" d.o.o 50.000, 00 KM.
3. U 2011.godini je na osnovu Odluke o usvajanju programa utroška "Kapitalnog transfera javnim preduzećima – JP "Aerodrom Tuzla" (za nabavku neophodne opreme) utvrđenog Budžetom Federacije Bosne i Hercegovine za 2011.godinu Federalnom ministarstvu prometa i komunikacija ("Službene novine Federacije BiH", broj 39/11) prebačeno "JP Međunarodni aerodrom Tuzla" sa p.o 430.000,00 KM.
  4. U 2011.godini je na osnovu Odluke o usvajanju programa utroška "Kapitalnog transfera javnim preduzećima – JP "Aerodrom Mostar" (za nabavku neophodne opreme) utvrđenog Budžetom Federacije Bosne i Hercegovine za 2011.godinu Federalnom ministarstvu prometa i komunikacija ("Službene novine Federacije BiH", broj 44/11) prebačeno JP Međunarodna zračna luka-aerodrom Mostar" d.o.o 430.000,00 KM.
  5. U 2010.godini je na osnovu Odluke o namjeni i dinamici prebacivanja finansijskih sredstava prikupljenih po osnovu putničke takse- naknade za razvoj i unapređenje avio prometa u Federaciji BiH u 2010.godini ("Službene novine Federacije BiH", broj 84/10) prebačeno JP "Međunarodna zračna luka-aerodrom Mostar" d.o.o 50.000,00 KM.
  6. U 2010.godini je na osnovu Odluke o namjeni i dinamici prebacivanja finansijskih sredstava prikupljenih po osnovu putničke takse- naknade za razvoj i unapređenje avio prometa u Federaciji BiH u 2010.godini ("Službene novine Federacije BiH", broj 84/10) prebačeno JP "Međunarodni aerodrom Tuzla" sa p.o 50.000,00 KM.
  7. U 2010.godini je na osnovu Odluke o odobravanju izdvajanja sredstava iz Budžeta Federacije Bosne i Hercegovine za 2010.godinu Federalnom ministarstvu prometa i komunikacija ("Službene novine Federacije BiH", broj 87/10) prebačeno JP "Međunarodni aerodrome Tuzla" sa p.o 250.000,00 KM.
  8. U 2010.godini je na osnovu Odluke o odobravanju izdvajanja sredstava iz Budžeta Federacije Bosne i Hercegovine za 2010.godinu Federalnom ministarstvu prometa i komunikacija ("Službene novine Federacije BiH", broj 87/10) prebačeno JP "Međunarodna zračna luka-aerodrom Mostar" d.o.o 250.000,00 KM.

Takođe su na osnovu Odluke Vlade Federacije BiH o usvajanju Liste projekata magistralnih, regionalnih i lokalnih cesta finansirana iz preostalih sredstava naplaćenih izdavanjem GSM licence za 2009. godinu i dijela sredstava za 2010. godinu za Federaciju Bosne i Hercegovine ("Službene novine FBiH", br.64/10) i Odluke o davanju saglasnosti na Metodologiju o načinu implementacije sredstava naplaćenih izdavanjem GSM licence za 2009. godinu i dijela sredstava za 2010. godinu za Federaciju Bosne i Hercegovine ("Službene novine FBiH", br. 88/10), odobrena finansijska sredstva za slijedeće projekte:

1. Projekt : Tehničko opremanje aerodroma Mostar  
Implementator projekta: „Međunarodna zračna luka-aerodrom Mostar" d.o.o  
Projekat je uspješno okončan, sredstva su efikasno i namjenski investirana u iznosu od 98.271,08KM i donesena je Odluka Vlade FBiH o prijenosu okončanog projekta na implementatora- Aerodrom Mostar na 21. sjednici Vlade FBiH održanoj 16.03.2011.g.
2. Projekt : Tehničko opremanje aerodroma Tuzla  
Implementator projekta: JP "Međunarodni aerodrome Tuzla"  
Projekat je uspješno okončan, sredstva su efikasno i namjenski investirana u iznosu od 190.000,00 KM, te je donesena Odluka Vlade FBiH o prijenosu okončanog projekta na implementatora- Aerodrom Tuzla na 21. sjednici Vlade FBiH održanoj 16.03.2011.g.

- Dostaviti :
- Naslovu
  - Evidencija
  - Arhiva



**MINISTAR**

**mr. Enver Bijedić**



Broj: UZZB-01-3-28-18-872-2/11  
Sarajevo, 13.12.2011.godine

SARAJEVO

PRIMLJENO: 14.12.2011			
Organizaciona jedinica	Klasifikaciona oznaka	Redni broj	Broj priloga
01-50-1-15-14/11			

**BOSNA I HERCEGOVINA**  
**PARLAMENTARNA SKUPŠTINA BiH**  
**Predstavnički dom**

**PREDMET:** Odgovor na poslaničko pitanje, dostavlja se.-

Veza: akt Parlamentarne skupštine BiH-Predstavničkog doma, broj: 01/a-50-1-15-14/11 od 29.11.2011.godine

Poštovani,

U vezi sa vašim aktom, broj i datum veze, kojim ste nam dostavili poslaničko pitanje poslanika Jagodić Zijada, koje je postavio na 14. sjednici Predstavničkog doma Parlamentarne skupštine Bosne i Hercegovine, održanoj 24.11.2011.godine, Uprava Bosne i Hercegovine za zaštitu zdravlja bilja daje sljedeći

**ODGOVOR**

Uprava BiH za zaštitu zdravlja bilja (Uprava) je preduzela sljedeće korake za implementaciju Mape puta za ostvarivanje uslova za izvoz proizvoda životinjskog i biljnog porijekla:

1. Uprava u saradnji sa nadležnim institucijama entiteta i Brčko distrikta BiH radi na izradi propisa iz fitosanitarne oblasti harmonizovane sa EU zakonodavstvom i to je prioritet. Međutim da bi se ispunili fitosanitarni uslovi EU neophodno je, ne samo usaglašavanje i usvajanje legislative, već provođenje usaglašene legislative.
2. Uspostavljanje fitosanitarne inspekcije u BiH u skladu sa Zakonom o zaštiti zdravlja bilja („Službeni glasnik BiH“, broj 23/03) - Uprava je u saradnji sa nadležnim institucijama entiteta i Brčko distrikta BiH donijela Pravilnik o uslovima za imenovanje fitosanitarnog inspektora („Službeni glasnik BiH“, broj 33/10) na osnovu koje su entitetski inspektorati i Inspektorat Brčko distrikta BiH trebali imenovati fitosanitarne inspektore. Do sada su fitosanitarni inspektori imenovani u Brčko distriktu BiH i Republici Srpskoj a nisu imenovani u Federaciji BiH.
3. Početak izdavanja fitocertifikata BiH – fitosanitarni certifikati se izdaju u BiH i izdaju se entitetski fitosanitarni certifikati i fitosanitarni certifikati Brčko distrikta BiH. Nije usaglašen i donešen jedinstveni obrazac fitosanitarnog certifikata Bosne i Hercegovine. U skladu sa članom 29. Pravilnika o mjerama za sprječavanje unošenja, širenja i suzbijanja štetnih organizama na bilju, biljnim proizvodima i regulisanim objektima („Službeni glasnik BiH“, broj 59/11) do donošenja novog obrasca fitosanitarnog certifikata primjenjuje se postojeći fitosanitarni certifikat.
4. Trenutno ne postoje posebna ograničenja za izvoz voća i povrća u EU (osim za krompir) ali proizvođači moraju da budu konkurentni u pogledu cijene, količina a

naročito kvaliteta i da primjenjuju standarde u dobroj proizvođačkoj praksi jer je moguće da se u nekoj fazi uvedu određena ograničenja iz nekog za EU važnog razloga. Zbog specifičnosti koja se odnosi na krompir Uprava je u saradnji sa nadležnim organima entiteta i Brčko distrikta BiH izradila potrebne podzakonske akte i počela implementaciju Programa posebnog nadzora (sistemske kontrole) karantenskih štetnih organizama na krompiru u BiH za 2011. godinu (Program) a koji je neophodno provoditi najmanje tri godine uzastopno, odnosno dovoljno dugo dok FVO inspekcija ne ocijeni da su ispunjeni uslovi za izvoz krompira u zemlje EU. Trenutno se krompir iz BiH ne može izvoziti u EU a ulaskom Republike Hrvatske u EU neće biti moguće izvoziti ni u Hrvatsku.

5. Pored navedenog Programa neophodno je početi donositi i provoditi i druge programe posebnog nadzora. Posebno ističemo da je za provođenje ovih programa neophodno obezbijediti sredstva u budžetima na nivou BiH kao i na nivou entiteta i Brčko distrikt BiH za što sada nema previše razumijevanja pa se zbog toga Program za 2011. finansira iz projekta ARDP a postignuta je saglasnost da se iz istog izvora finansira i u 2012. godini.
6. U oblasti pesticida Savjet ministara je donijelo Odluku kojom su zabranjene za upotrebu u sredstvima za zaštitu bilja aktivne materije koje su zabranjene i u EU time smo doprinijeli uvozu kvalitetnijih sredstava za zaštitu i onemogućili da se u BiH prodaju sredstva za zaštitu bilja koja su zabranjena u EU i u zemljama okruženja. Uprava u saradnji sa nadležnim institucijama entiteta i Brčko distrikta BiH nastavlja sa radom na izradi nedostajućih podzakonskih akata koji će regulisati registraciju, promet i upotrebu sredstava za zaštitu bilja kod krajnjih korisnika. Pravilna upotreba sredstava za zaštitu bilja znači poštivanje i maksimalno dozvoljenih nivoa pesticida, u skladu sa EU zahtjevima, čime se olakšava izvoz proizvoda biljnog porijekla.

S poštovanjem,



DIREKTOR

Radenko Radovic

*Dostavljeno:*

- naslovu;
- a/a